

HÄNG MED

# SPRÅKTÅGET!



OPRE AV PE  
O SPRÅKTÅGET!

Lovari

Kana dikhes thaj ginaves unde kenvi chavorensa vi loshas thaj mishtoj – thaj pashe vi juti chire chavoreski chib thaj worba. Kana ginaven thaj worbin pa sos maladjol unde kenvi barol le chavorengi fantasia, koncentratia thaj kommunukatia.

### Ginaven ketane

I chib thaj i worba zuravol kana ginaves kaver manushensa. Muk le chavores te avel aktivno kana ginaven ketane thaj le sama le chavoreske worbi thaj sar miskij peske vast. Leshin thaj av unde ande chavoresko tempo, intereso thaj reaktie thaj atunchi o ginajimo avla inke maj lasho.



### 2

### Alon jek kenva

Alon kenvi so chiro chavoro dikel thaj mangel te ginavel thaj pasuli pala le chavoresko nivå worbako. Te si tuke pharo te alos, shaj te pushes andi biblioteka. Kate shaj te les le kenvi undjule iva.



### 3

### Ker o ginajimo te avel lasho thaj mishto

Te biris, ginav sako djes – le tuke wrama kana shaj te dikhen taj ginaven unde kenvi. Besh pasha chiro chavoro te shaj dikhen tumen unde jakia thaj na mukh vareso kaver te rumuj o momento. Naj musaj te ginaven jek kenva dji ando agor. Dosta te beshen thaj te dikhen andi kenva thaj te hacharen so si intresantno le chavoreske. Gado vi juti le chavoreski chib thaj worba.

## 4 Worbin thaj dikhen pe kipora ande kenvi

Varekana maj ushoro kana tu worbis thaj sikaves le kipora, vaj penes chire worbensa, shajke aver hango shos pashe te avel maj effekto. Sikhav le kipora thaj worbinen pa so sikhavel le kipora. Gade jutisa le chavores maj feder te hacharel i paramitcha thaj maj zurales sichol i chib thaj i worba.



## 5 Worbin ketanes

Mukh te worbi o chavoro kana ginaven, o chavoro shaj te perel le worbi andi paramitcha vaj te del tut atveto palpale. Le worbi so chiro chavoro penela, vazde opre thaj barar le te shaj te sikhaves le chavoreske sar shaj te barol leski chib thaj worba. Kana ginadan jek kenva maj butivar shaj mukes le chavores korkoro te penel so maladjol andi paramitcha kana sikhaves le kipora.



## 6 Ginaven, jilaben thaj worbin pe sa la chavoreske chiba

But forskare arakle avri ke kana ginaves jek chavoreske maj sigo sichol le worbi, thaj maj but chiba sichol. Anda kado, ginav, jilabe thaj worbin chire chavorensa, kado jutila les ando trajo.

## 7 Opre av pe o Språktåget!

Shaj te jutis chire chavores te barol leski chib thaj worba, grammatika thaj sar te worbi kana ginaves chavorenge kenvi. Push andi biblioteka pala o Språktåget thaj save kenvi pasuli chire chavoreske!

Kana les undjule  
kenvi pe i  
biblioteka mindig  
iva. Leshinas te  
aves!

**O Språktåget** juti le dadon thaj le dejan te zuraren lenge chavora pengi chib thaj worba. O Språktåget tordjol pe maj but tana kaj le chavora shaj te zuraren pengi chib. Varekas trubul maj but wrama thaj kavera maj sig angle tradena. Intregi shaj te traden o Språktåget!

O Språktåget si jek buchi so keras ketane maschkar le biblioteki, i logopedia thaj o barnhälsovård ando Stockholms län. Gado texto kerdas i logopeda Elvira Ashby thaj i logopeda Linnéa Anderberg ketane le Regionbibliotekasa ando Stockholm.